

ՆՇԱՆ ԻՄԱՐՏԻՐՈՍՅԱՆ

Նրկարատն ու ծանր հիվանդությունից հետո 1966 թ. օգոստոսին Պրազա քաղաքում, 72 տարեկան հասակում վախճանվեց նշանավոր արեւելագետ, պատմաբան և բանասեր պրոֆ. Նշան Մարտիրոսյանը:

Ունենալով լեզվագիտական և պատմագիտական բարձր պատրաստականություն, լինելով ականավոր գիտնական Բ. Հրոզնու լավագույն աշակերտներից ու հետնորդներից մեկը, նա ավելի քան չորս տասնամյակ բազմակողմանիորեն ուսումնասիրել է Հին Արևելքի, հատկապես Առաջավոր Ասիայի հնագույն տեղաբնիկների լեզուն, մշակույթը և պատմությունը: Այդ նա էր, որ առաջին անգամ, դեռևս ուսանողական տարիներին կարողացավ որոշել խեթական երբեմնի հզոր թագավորության արխիվից հայտնարբերված ու վերծանված սեպագիր տախտակներում հիշատակվող մի շարք ցեղային միավորումների ու երկրների տեղադրությունը Հայկական լեռնաշխարհում:

Նշան Մարտիրոսյանը ծնվել է 1894 թ., Խարբերդի գավառի Խուռնավիլ գյուղում: Սկզբնական կրթությունն ստացել է տեղի նախակրթական դպրոցում: 1910 թ. նրան հաջողվում է հասնել Ավստրիա և հաստատվել Ռոնսբրոգ քաղաքում, որտեղ և ընդունվում է տեղի գերմանական միջնակարգ դպրոցը: 1918 թ. ավարտում է դպրոցը և վերադառնում Կ. Պոլիս: Նույն տարում հաջող քննություններ հանձնելով, ընդունվում է Պրազայի համալսարանի փիլիսոփայության ֆակուլտետը:

Սակայն նա իրեն նվիրում է արևելագիտությանը և մեծանուն արևելագետ Բ. Հրոզնու մոտ ուսումնասիրում է շումերերենը, ակկադերենը, ասուրերենը և խեթերենը:

Արդեն ուսանողական տարիներին զբաղվում են Մարտիրոսյանի ընդունակությունները հին արևելյան բանասիրության ու լեզվաբանության բնագավառում: Նրան է պատկանում խեթերենի և հայերենի մի շարք ընդհանրությունների հայտնարբերումը: Ըր առաջին իսկ գիտական հոդվածներում նա փորձում է պարզել հայերենի բնույթը և զարգացումը է այն թեզը, ըստ որի հայերենը, խեթերենի հետ միասին, ասիական:

փոքրասիական լեզու է (ի դեպ՝ այդ տեսակետը նա չփոխեց մինչև իր կյանքի վերջը):



1926 թ. Մարտիրոսյանը ստանում է դոկտորի գիտական աստիճան և մեկ տարի հետո դասախոսական աշխատանքի անցնում Պրազայի համալսարանում:

1930—40-ական թթ. Ն. Մարտիրոսյանը հանգես է գալիս հայ գիցարանությանը, պատմության ու աշխարհագրությանը նվիրված մի շարք հոդվածներով: Նրան հատկապես հետաքրքրել են փոքրասիական և հայկական պանթեոնների փոխհարաբերությունների հարցերը: Ն. Մարտիրոսյանի կատարած պատմաաշխարհագրական գիտողությունները լայն ճանաչում են գտել արևելագիտության մեջ:

Նրա՛ն երկար տարիներ զբաղեցրել են 11 հաղաթամյակում (մ. թ. ա.) Հայկական լեռնաշխարհում կուղմավորված Հայասա խոշոր ցեղային միության պատմության հարցերը: 1957 թ. Եևարերդ և իր Ոսկեդեն դաշտը հուշամատ-

լանում լույս տեսած «Խարրերդի շրջանները՝ Հայոց հնագույն օրրանը» մեծածավալ հոգվածք վկայում է, որ իրոք Հայաստանի պատմությանը նվիրված նրա ուսումնասիրությունը կարող էր կարևոր ներդրում լինել հայագիտության մեջ:

Նշան Մարտիրոսյանը մեծ ոգևորությամբ ու հիացմունքով էր ընդունում սովետահայ պատմաբանների նվաճումներն ու հաջողությունները:

Նա հոգեկան մեծ ցնծություն ապրեց իր կյանքի վերջին տարիներին, երբ իր հայրենիքում 1963 թ. լույս տեսավ Գիլգամեշ դյուցազնավեպին նվիրված Նրա աշխատությունը:

Երկար տարիներ նա ջերմորեն ցանկանում էր այցելել մայր հայրենիք, սակայն ծանր հիվանդությունն ու մահը թույլ չտվեցին իրականացնել այդ ցանկությունը:

Լ. ԲԱՐՍԵՂՅԱՆ,